

LOU VELOUCIPÈDE,

Facétie lue en séance publique de l'Académie d'Aix,
le 14 juin 1884, par F. Vidal

LOU VELOUCIPÈDE

GALEJADO

Coumo un vòu de rato-panado
Sus lei camin, ei promenade,
D'amount, d'avau, d'èici, d'eila,
De-longo vesèn barroula
Messiés lei velouipedisto.
Arremarcas nouésteis artisto
Dóu poulit brindou que li van :
Grand e pichoun, gare davans !
Cadun soun òutis encavalo
E lèu lèu qu'ansin davalo
Quouro à la Touesso (1), quouro à Lar.

(1) Aquest noum de quartié e quàuqueis autre es dóu terradou d'Ais.

Tant engaubia dóu nouvel art,
Vous fan, 'mé sei chivau-gimèrri,
Councurrènço au camin de fèrri.
Eh ! que li enchaut lou Mount-Eiguet !
Lou franquirien à pèd-pouquet
De vers Sant-Lazare o Santo-Ano,
Si li falié touca Gardano
Sènso trauca dins Chicaloun
Vo bèn dins tout autre valoun.